



册府元龜  
卷之三百八十一  
至八十三



13
849
126



門 4 3  
849  
卷 126



册府元龜

淮南李嗣京參閱

西極文翔鳳訂正

豫章黃國琦較釋

將帥部 四十二

褒異第七

後魏長孫嵩道武時為南部大人累著軍功征中山

除冀州刺史賜爵鉅鹿公

長孫肥為中領軍將軍從道武征中山平之以功賜

爵琅邪公遷衛尉卿改爵盧鄉討破妖賊趙準於九

冊府元龜 將帥部 卷之三十一

門除肥鎮遠將軍兖州刺史給步騎一萬南循許昌  
畧地至彭城還鎮兗州肥善策謀勇冠諸將前後征  
討未嘗失敗南平中原西摧羗寇肥功居多賞賜奴  
婢數百口畜物以千計天賜五年卒陪墓金陵  
王建爲左大夫從道武征伐諸國破二十餘部以功  
賜奴婢數十口雜畜數千從征衛辰破之賜僮五十  
戶爲中部大夫又從征慕容寶拜冠軍將軍烏丸庫  
振宮鳴聚黨爲寇詔廷討平之遷太僕徙爲眞定公  
加散騎當侍冀青二州刺史卒陪墓金陵  
奚牧爲輔國將軍畧地晉川獲慕容寶丹陽王買得

及離石護軍高秀和於干陶以軍功拜并州刺史賜  
爵任城公

張濟爲勝兵將軍頻從軍駕北伐濟功居多賞賜奴  
婢百口馬牛數百羊二千餘口

厓岳爲外朝大人討擒離石胡帥呼延鐵西河胡帥  
崇等以功賜爵西昌公進號征虜將軍又討反人  
旅超清河太守傅世竝破平以岳爲鄴行臺及罷以  
所統六郡置相州卽拜岳爲刺史天賜四年詔賜岳  
舍地於南宮

和跋時爲龍驤將軍賜爵日南公從平中原以功進

為尚書鎮鄴又逆擊慕容德大破之擒其將士千餘人改為定陵公又與常山王遵討破賀蘭部別帥木易干出為平原太守道武寵遇跋冠諸將

長孫道生明元初為南統將軍世祖初進爵汝陰公遷廷尉卿後征蠕蠕大捷而還太武征赫連昌為前驅遂平其國昌弟定走保平涼宋文帝遣將到彥之王仲德寇河南以救定詔道生與丹陽王太之屯河上以禦之遂誘宋將檀道濟邀其前後追至歷城而還除司空加侍中進封上黨王薨贈

正雄為散騎常侍鎮并州赫連屈孑遣三千騎寇河

西雄自并州與游擊將軍王雒生擊走之以功賜爵為侯

屈垣歷官公正為鎮東大將軍與襄城公盧曾元俱賜甲第明元數臨幸賞賜隆厚

娥清為中領軍時明元南巡幸鄴清與宋兵將軍周幾等渡河畧地至湖陸高平民屯聚林藪拒射官軍清等因誅數千家虜獲萬餘口賜爵須昌侯太武初清自枋頭還京師假征南將軍進為東平公又討蠕蠕大獲而還轉宗正卿後詔清鎮并州討山胡白龍於西河斬白龍父及其將帥遂屠其城遷平東將軍

周幾爲寧朔將軍破毛德祖於土樓以功賜爵交趾侯進號宋兵將軍率維州刺史于栗磾以萬人襲陝城卒于軍軍人無不嘆惜之歸葬京師追贈交趾公奚斤初從道武征中原以斤爲征東長史拜越騎較尉典宿衛禁旅從征高車諸部大破之又破庫狄宥連部又進擊侯莫陳部俘虜十餘萬至大娥谷置戍而還遷都水使者明元卽位爲鄴兵將軍蠕蠕犯塞令斤等追之拜天部大人進爵爲公命斤出入乘輅軒備威儀導從太武之爲皇太子臨朝以斤爲左輔時宋少帝立其大臣不附乃收宋武帝前侵河南地

地假斤節都督前鋒諸軍事司空公晉兵大將軍南征自魏國初大將行師唯長孫嵩拒宋武斤征河南獨給漏刻及十二牙旗後爲萬騎大將軍征平涼州戰功賜僮隸七十戶大武以斤元老賜安車平決刑獄諮訪朝政

豆代田初爲明元內細射與奚斤前鋒先入擒宋將毛德祖并長史司馬二人以功遷內三郎又從討赫連昌乘勝追賊入其宮太武壯之拜勇武將軍後從駕平昌以戰功賜奴婢五十口黃金百斤銀百斤神麈中討蠕蠕賜爵關中侯從討平涼擊破赫連定得

冊府元龜 卷之三百八十一  
襄異七  
奚斤等太武以定妻賜之詔斤膝行授酒於代田勅  
斤曰全爾身命者代田功也改爵并陘侯加散騎常  
侍右衛將領內都幢將從討和龍戰功居多遷殿中  
尚書賜奴婢六十口以前後軍功進爵長廣公加平  
東將軍後爲統萬鎮大將軍

奚烏侯爲建義將軍賜爵夷餘侯從征蠕蠕及赫連  
昌以功進爵城陽公加員外散騎嘗侍出爲虎牢鎮  
將文成興光中卒陪塋金陵

叔孫建爲征南大將軍都督冀青徐濟四州諸軍事  
南方憚其威畧大延三年薨太武悼惜之賜塋金陵

長孫翰初明元時爲平南將軍率衆鎮北境威名甚  
著後爲都督北部諸軍事平北將軍黑定侯給殿中  
十隊加旌旗鼓吹蠕蠕每犯塞翰拒擊有功進爵爲  
公太武卽位徵還京師進封平陽王和安集將軍蠕  
蠕大檀入寇雲中太武遣翰襲戰大檀奔走神麋三  
年薨帝深見悼惜爲之流涕親臨其喪禮賜賻賜有  
加陪塋金陵

長孫陳爲羽林郎征和龍賊自西門出將犯人圍陳  
擊退之追斬至其城下以功賜爵五等男又從征涼  
州爲都督將領大官遷殿中給事中進號爲子

長孫蘭爲中散嘗征伐以破平涼功賜爵睢陽子加  
奮威將軍

長孫石維爲都尉從征赫連昌以功拜樂部尚書賜  
爵臨淮公加寧西將軍

長孫真爲中散從征平涼以功賜爵臨城子拜員外  
散騎嘗侍廣武將軍

穆崇爲龍驤將軍進爵長樂侯從駕西征自龍北討  
蠕蠕以功加散騎嘗侍鎮北將軍進爵建安公文成

時爲征西將軍獻文天安元年崇卒贈征西大將軍  
和歸爲統萬將軍賜爵城皋男與西平公頡攻虎牢

拔之進爵高陽侯

王度爲殿中給事遷尚書從征赫連昌討蠕蠕有功  
賜爵濟南公加散騎嘗侍平南將軍

宿沓干爲虎賁幢將從征平涼有功拜虎威將軍侍  
御郎賜爵漢安男轉中散遷給事兼領二曹從駕討

和龍以功賜奴婢七十戶

來大千爲嘗侍從討蠕蠕戰功居多遷征北大將軍  
賜爵盧陵公延和初車駕北伐大千爲前鋒大破虜

軍後吐京胡反以大千爲都將討平之在吐京卒喪  
還停於平城南太武出還見而問之左右以對太武

悼嘆者良久詔曰大千忠勇盡節功在可嘉今聽其  
喪入殯城內贈司空平涼進爵金城公遷爲都將從破離石胡加散騎常  
副將鎮雲中神麈中又討蠕蠕大獲增爵爲侯從征  
平涼進爵金城公遷爲都將從破離石胡加散騎常  
侍  
閻大肥爲都將擊大檀大破之還至渴侯山遂討東  
部高車於巴尼陂又征平涼有功大武將拜大肥爲  
王遇疾而卒追贈中山王  
于栗磾自道武登國初爲冠軍將軍與寧朔將軍公

孫蘭領步騎二萬潛自太原從韓信故道開井陘關  
路襲慕容寶於中山旣而車駕後至見道路修理大  
悅卽賜其名馬趙魏平定道武置酒高會謂栗磾曰  
卿卽吾之黥彭也大賜金帛明元永興中關東羣盜  
大起西河反叛栗磾受命征伐所向皆平卽以本號  
留鎮平陽尋轉鎮遠將軍河內鎮將賜爵新城男奚  
斤之征虎牢別率所部攻王洸之於金墉涓之棄城  
遁走遷豫州刺史進爵新安侯太武之征赫連昌栗  
磾與宋兵將軍周幾襲陝城乘勝長驅仍至三輔進  
爵爲公加安南將軍平統萬遷蒲坂鎮將後遷鎮南



將軍卒賜東園秘器朝服一具衣一襲贈太尉  
陸真爲內三郎數從征伐所在摧鋒陷陣前後以功  
屢受賞賜太武太平真君中從討蠕蠕以功賜爵關  
內侯宋將王玄謨寇滑臺真從太武討之至江真再  
破其軍拜建武將軍石城子還攻盱眙真功居多遷  
給事中

陳建爲下大夫內行長太武討山胡白龍建以身捍  
賊殺賊數人太武壯之賜別戶二千  
司馬悅爲鎮遠將軍豫州刺史悅與鎮南將軍元英  
攻義陽克之以悅爲征虜將軍郢州刺史時梁武帝

遣其豫州刺史馬仙琕等率衆一萬於三關起城及  
其輔國將軍濟陰太守蕭詠精卒二千戍之悅令西  
關統軍諸靈鳳掩擊敗之詔曰司馬悅首謀義陽征  
畧有捷且違京旣久屢請入朝可遂此志聽其赴闕  
尋詔以本將軍爲豫州刺史論義陽之勲封漁陽縣  
開國子食邑三百戶  
司馬天助爲平東將軍破宋將閻萬齡軍前後多所  
虜獲拜侍中都督青徐兗三州諸軍事  
李韶字元伯呂荀兒反於秦州除爲撫軍西道都督  
行秦州事與右衛將軍元麗率衆討平之尋卽真璽

書勞勉

陸侯爲龍驤將軍與西平公安頡督諸軍攻虎牢克之賜爵建鄴公拜冀州刺史又爲安定鎮大將追討叛羌金崖等皆獲之拜散騎嘗侍後安定盧永劉超等叛詔加都督秦雍諸軍事遂平永超等太武大悅徵還京師轉外都大官文成踐祚拜征西大將軍進爵東平王

毛循之爲吳兵將軍領步兵較尉從太武征平涼有功遷散騎嘗侍前將軍又加冠軍將軍從討和龍別破三堡賜奴婢牛羊

羅斤爲平西將軍平涼州攻城野戰多有克捷以功

賜爵帶方公

尹馥爲殿中尚書嘗典宿衛從太祖幸瓜步頻有戰功進爵鎮軍將軍

苟頹爲中散從太武南征爲前鋒子都將每臨敵對戰嘗先登陷陣帝至江賜爵建德男加寧遠將軍韓茂爲虎賁中郎將從太武征赫連昌以功賜茂爵蒲陰子加強弩將軍遷侍輦郎又從征統萬大破之及從平平涼茂所衝莫不應弦而殪繇是太武壯之拜內侍長進爵九門侯從征蠕蠕頻戰大捷戰功居

多遷司衛監錄前後功拜散騎嘗侍殿中尚書進爵安定公

呂溫爲幢將從太武征赫連昌先登陷陣每戰必捷以功拜宣威將軍奉車都尉

尉眷爲安北將軍出鎮北境與平陽長孫翰擊蠕蠕別帥大獲而還又擒赫連昌以功拜寧北將軍加散騎嘗侍進爵源陽公又從征和龍督萬騎前驅慰喻降二千餘戶尋爲假節加侍中都督豫維二州及河內諸軍事安南將軍開府鎮虎牢又張掖王禿髮保周之反也率師討殺之詔眷畱鎮涼州加都督涼沙

河三州諸軍事安西將軍領護戎較尉轉敦煌將文成時率師北擊伊吾克其城大獲而還尋拜侍中太尉進爵爲王文成以眷元老賜杖履上殿和平四年薨文成悼惜之贈大將軍

司馬楚之爲征南將軍徵入朝會南藩諸將表宋文帝欲來侵以楚之爲使持節安南大將軍封琅邪王屯潁川以拒之其長史臨邑子步還表曰楚之渡河百姓思舊義衆雲集汝潁以南望風翕然迴首革面斯誠陛下應天順民聖德廣被之所至也道武大悅璽書勞勉賜前後部鼓吹後爲鎮西將軍雲中鎮大

將在邊二十餘年以清儉聞著文成和平五年卒帝悼惜之贈都督梁益秦寧四州諸軍事征南大將軍領護西戎較尉揚州刺史陪塋金陵

李寶文成初代司馬文思鎮懷荒授鎮北將軍大安五年薨年五十三詔賜命服一襲贈以本官

于維拔爲外都大官文成詔與南陽王惠壽督四州之衆討平隴西屠各王景文等拜侍中殿中尚書

呂維拔文成末爲平原鎮都將隨尉元攻宋將張承于五原大敗之賜爵成武侯加建義將軍

慕容白曜獻文時爲征南大將軍擊降宋將崔道固

等以功拜青州刺史

沈文秀以功拜都督青齊東徐州諸軍事開府青州刺史

尉撥爲涼州軍將界休縣男擊吐谷渾以功進爵爲子遷杏城鎮將大收民和文成以撥清平有惠績賜以衣服獻文卽位爲北征都將南攻懸瓠破宋將米湛之水軍三千人拜懸瓠鎮將加員外散騎嘗侍進爵安城侯獻文嘉其聲効復賜衣服

源賀自太武時爲龍驤將軍從擊叛胡白龍又討吐京胡皆先登陷陣進號平西將軍太武征涼州以賀

爲鄉導陳攻戰之計賀率精騎歷諸部招慰下三萬  
餘落涼州平遷征西將軍進號西平公又從征蠕蠕  
討蓋吳諸賊皆有功拜散騎嘗侍文成時出爲征南  
將軍冀州刺史封隴西王孝文時上書以年老稱病  
乞骸骨許之又給衣藥珍羞太和元年二月療疾於  
溫湯孝文遣使者屢問消息太醫視病三年秋卒贈  
侍中太尉隴西王卽綬贈雜帛五百疋賜溫涼車及  
命服溫明秘器陪塋于金陵

于烈爲領軍孝文詔以本官從征荆沔加鼓吹一部  
窵鄧旣平車駕還雒論功加散騎嘗侍金紫光祿大  
夫

畢衆敬爲寧南將軍兖州刺史獻文皇興二年朝京  
師因畱之賜甲第一區後孝文太和中以篤老乞還  
桑梓引見於皇信堂賜以酒饌車一乘馬三匹絹二  
百疋勞遣之及卒詔于兖州賜絹一千疋以供塋事  
奚康生以中堅將軍時吐京胡反康生拒戰破之遷  
爲統軍又擊殺齊將張伏護賞帛一千疋頻戰再退  
其軍賞三階帛五百疋又齊將裴叔業圍渦陽勅康  
生馳往赴援一戰破之賞二階帛一千疋又拔梁食  
合肥雒口三成以功遷征虜將軍封安武縣開國男

食邑一百戶出爲南青州刺史梁遣軍主徐濟寇邊  
康生率將出討破之生擒濟賞帛千疋又以梁副將  
張惠紹寇徐州詔康生爲武衛將軍一戰敗之還京  
召見宴會賞帛千疋賜驃騮御胡馬一匹出爲平西  
將軍轉涇州刺史時梁直閣將軍徐玄明戍於郁州  
殺其刺史張稷以城內附孝文詔遣康生迎接賜細  
御銀纏槩一張并棗柰果面勅曰果者果如朕心棗  
者早遂朕意

劉昶爲使持節都督吳越楚彭城諸軍事大將軍固  
辭詔不許又賜布千疋及發孝文親餞之命百僚贈  
昶又以其文集一部賜昶孝文因以所製文筆示之  
謂昶曰時契勝殘事鍾文業雖則不學欲罷不能晚  
思一見故以相示雖無足味聊復爲笑耳其重昶如  
是又爲都督大將軍特給班劍二十人太和二十一  
年四月卒於彭城孝文爲之舉哀給溫明秘器錢百  
萬布五百疋蠟三百斤朝服一具衣一襲贈假黃鉞  
太傅領揚州刺史加以殊禮九錫給前後部羽葆鼓  
吹依晉琅邪武王卬故事

楊播爲龍驤將軍與陽平王曄等出漠北擊蠕蠕大  
獲而還孝文嘉其勲賜奴婢十口遷武衛將軍復擊

蠕蠕至居然山而還除左將軍尋假前將軍隨車駕南討擁衆濟淮孝文甚壯之賜爵華陰子尋除右衛將軍後隨駕討崔惠景於鄧城破之進號平東將軍呂羅漢爲羽林郎初太武時上邽休官呂豐屠各王飛鹿等爲逆羅漢頻破賊軍以功遷羽林中郎幢將加建威將軍後爲秦益二州刺史大破仇池氏羗孝文詔曰其所得口馬便勅領納其馬付都牧口以賜卿

陸叡爲北部長孝文太和八年正月叡與隴西公元琛竝持節爲東西二道大使褒善罰惡聲聞京師五月詔賜叡夏服具後以叡爲北征都督擊蠕蠕大破之遷侍中都督尚書時蠕蠕又犯塞詔率騎五千以討之蠕蠕遁走擒其帥赤河突加散騎嘗侍又爲使持節鎮北大將軍與陽平王頴竝爲都督領軍將軍斛律桓等北征三道諸軍事步騎千萬以討蠕蠕叡以下各賜衣物布帛孝文親幸城北訓誓羣帥除尚書令衛將軍大破蠕蠕而還

薛裔爲都督討秦州反賊支茵生擒斬之除立忠將軍

王仲興爲折衝將軍屯騎較尉又命率千餘騎破賊

於鄧城除振威將軍越騎較尉賜帛千疋  
李佐假平遠將軍統軍時梁新野太守劉忌憑城固  
守佐率所領攻拔之以功封涇陽縣開國子邑三百  
戶  
宇文福為南征都將孝文時擊齊有功授顯武將軍  
尋除恢武將軍北征都將特賜戎服破蠕蠕別部斬  
獲萬餘還除都牧給事及孝文南征詔福與右衛將  
軍楊播為前軍擊齊軍大奔賜爵昌黎伯宣武景明  
初為平遠將軍進計於都督彭城王勰遂令福攻建  
安降以勲封襄樂縣開國男食邑三百戶

源懷宣武時為車騎大將軍正始元年蠕蠕南寇  
代詔懷以本官加使持節前出據北蕃賜馬一疋細  
鎧一具御稍一枚懷至雲中蠕蠕亡遁又武興氏王  
楊紹先叔集起反叛詔懷使持節侍中都督平氏諸  
軍事以討之三年六月卒詔給東園秘器一具衣一  
襲錢二十萬布七百疋蠟三百斤贈司徒  
長孫稚為鎮西將軍討蜀都督頻戰有功除平東將  
軍

蕭寶夤除使持節都督揚南徐兗三州諸軍事鎮東  
將軍揚州刺史丹陽郡開國公齊王配兵一萬令且



據東城乃備禮策授賜車馬什物給虎賁五百人事  
從豐厚及壽春之戰勇冠諸軍既還京師改封梁郡  
開國公食邑八百戶

薛真度自孝文時為假節冠軍將軍真度每獻計於  
孝文勸先取樊鄧後攻南陽故為孝文所賞賜帛一  
百疋又加持節正號冠軍改封臨晉縣開國公食邑  
三百戶至宣武時除平南將軍揚州刺史又以年老  
聽子懷吉以本官隨行梁豫州刺史王超宗率衆圍  
逼小峴真度遣兼統軍李叔仁等率步騎擊破之還  
朝除金紫光祿大夫加散騎常侍又改封敷西縣永

平中卒賻帛四百疋朝服一襲贈左光祿大夫

畢祖朽為寧朔將軍時梁將蕭及等寇兗州祖朽擊  
討之以功封南城縣開國男食邑二百戶

畢祖暉為平西將軍南州刺史孝明正光五年州民  
反招引隴賊攻逼祖暉以全城之勲封新昌縣開國  
子食邑四百戶

楊大眼為統軍從孝文征宛葉穰鄧九江鍾離之間  
勇冠六軍宣武初裴叔業以壽春內附大眼率衆先  
入以功封安成縣開國子食邑三百戶除直閣將軍  
尋加輔國將軍游擊將軍出為征虜將軍荊州刺史

崔延伯爲鎮南將軍行岐州刺史假征西將軍賜驛  
騾一匹孝明正光五年秋以往在揚州建淮橋之勳  
封當利縣開國男食邑二百戶尋增邑二百戶改封  
新豐進爵爲子

田興宗爲征虜將軍遣戍主奇道顯擊楊僧遠軍破  
之進號平南將軍宣武又詔興宗緘防蠻楚加安南  
將軍增封一百戶賜帛二千疋

王肅爲平南將軍肅至義陽頗破齊軍降者萬餘孝  
文遣散騎侍郎勞之以功進號平南將軍賜駿馬一  
匹除持節都督豫東豫郢三州諸軍事又以破齊將

裴叔業功進號鎮南將軍加都督豫南兗東荆東豫  
四州諸軍事封汝南縣開國子食邑三百戶加鼓吹  
一部宣武時拜使持節都督江東諸軍事車騎將軍  
肅進師討擊齊軍於死虎大破之肅還京師宣武臨  
東堂引見勞之以肅淮南累捷賞帛四千七百五十  
疋進位開府儀同三司封昌國縣開國侯食邑八百  
戶尋以肅爲散騎嘗侍都督淮南諸軍事揚州刺史  
景明二年薨於壽春宣武爲舉哀詔曰肅奄至不救  
痛惋兼懷可遣中書侍郎賈思伯兼通直散騎嘗侍  
撫慰厥孤給東園秘器朝服一襲錢三十萬帛一十

疋布五百疋蠟三百斤竝問其卜遷遠近尋遣侍御  
史一人監護喪事務令優厚又詔曰死生動靜卑高  
有成勝達所居存亡崇顯故杜預之歿寔於首陽司  
空李冲覆丹是託顧瞻斯所誠亦二代之九原也肅  
誠義結於二世英惠符於李杜平生本意願終京陵  
既有宿心宜遂先志其令塋于冲預兩墳之間使之  
神游相得也贈侍中司空本官如故孝明初詔爲肅  
建碑銘

邢巒爲安東將軍豫州城民自早生殺刺史司馬悅  
以城南人梁詔巒持節率羽林精騎以討之封平舒  
縣開國伯食邑五百戶賞宿豫之功也又詔加巒使  
持節假鎮南將軍都督南討諸軍事征南將軍既平  
豫州振旅還京師宣武臨東堂勞之遷殿中尚書加  
撫軍將軍延昌三年暴卒詔賜帛四百匹朝服一襲  
贈車騎大將軍瀛州刺史

李平爲使持節都督北討諸軍事鎮北將軍行冀州  
事時王愉反于信都故宣武詔討平之臨武乾殿勞  
遣平既擒愉冀州平宣武遣兼給事黃門侍郎祕書  
丞元梵宣旨慰勞又梁道其左游擊將軍趙祖悅偷  
據西硤石衆至數萬以逼壽春宣武詔平爲鎮東大

將軍討之又詔平長子獎以通直郎從賜平縑錦百段紫納金裝衫甲一領賜獎縑布六十段降納襖一領父子重列拜受家庭觀者榮之及平破梁軍斬祖悅送首于雒以功遷尚書右僕射加散騎嘗侍將軍如故

李虔爲長樂太守延昌初冀州大乘賊起令虔以本官爲副將與都督元遙討平之遷後將軍後又遣論平冀州之功賜爵高平男

崔敬邕爲左中郎將隨中山王英南討以功賜爵臨淄侯

李順爲前將軍初從太武攻統萬赫連昌昌出逆戰順督勒士衆破其左軍及克統萬至京論功以順爲給事黃門侍郎賜奴婢十五戶帛千疋

李憲爲七兵尚書撫軍將軍孝明孝昌初元法僧據徐州反叛詔憲爲使持節假鎮東將軍徐州都督與安豐王延明臨淮王彧等討之會梁武遣其豫章王綜據彭城俄而綜降徐州旣平詔遣兼黃門侍郎嘗景詣軍慰勞賜憲驕馬一疋仍除征東將軍揚州刺史淮南大都督

董紹爲平西將軍孝明以紹拒蕭寶夤之功賞新蔡

縣開國男食邑二百戶

崔孝芬孝明時爲龍驤將軍時荊州刺史李神儁爲梁遣將軍攻圍詔孝芬爲刺史以代神儁乃遣弟孝直輕兵在前出賊不意賊便奔散人還安堵孝明嘉勞之并賚馬及綿絹等物

伊益生爲統軍累有戰功爲名將以勲賜爵平城子孝明神龜中爲右將軍後除安西將軍每戰克捷進號征西將軍

崔模爲別將及蕭寶夤討關隴引模爲征西副將屢有戰詔除持節光祿大夫都督別道諸軍事加安東將軍萬俟醜奴遣將郝虎南侵模攻破其營擒虎以功封槐里縣開國伯食邑五百戶

楊津爲撫軍將軍出據靈丘而賊帥鮮于修禮起於博陵定州危急遂迴師南赴至城下營壘未立而州軍新敗津以士衆勞疲移軍入城其後賊攻州城津出戰斬賊帥詔除衛尉卿旣而杜雒周圍州城津盡力捍守詔加衛將軍封開國縣侯食邑一千戶  
崔元珍爲平陽太守以頻破胡賊郡內以安孝明武泰初改郡爲唐州仍除元珍爲刺史加右將軍以破胡勲賜爵涼城侯

宇文延以孝明孝昌中授假節建威將軍西道別將  
赴援關隴有戰功除員外散騎嘗侍  
李崇自孝文時爲都督隴右諸軍事擊氏揚靈珍從  
弟建軍於龍門破之靈珍走奔漢中孝文在南陽覽  
表大悅曰使朕無西顧之憂者李崇之功也以崇爲  
都督梁秦二州諸軍事孝明時累遷左衛將軍追賞  
平氏之功封魏昌縣開國伯食邑五百戶  
李神爲衛將軍行相州刺史時葛榮兵充斥民多逃  
散神武勞兵民小大用命會爾朱榮擒葛榮於鄴西  
事平除車騎將軍以功進爵爲公增邑八百戶通前

一千戶

裴衍爲征虜將軍梁遣將曹敬宗寇荊州詔衍爲別  
將假前將軍解荊州圍除使持節散騎嘗侍平東將  
軍假安東將軍北道都督鎮鄴西之武城封安陽開  
國子邑三百戶時相州刺史安樂王鑒叛逆詔衍討  
平之除撫軍將軍相州刺史假鎮北將軍北道大都  
督進封臨汝縣開國公增邑千二百戶  
爾朱天光爲鎮東將軍時元顥入雒并肆不安天光  
至并州部分約勒所在寧輯顥破尋還京師遷驃騎  
將軍加散騎嘗侍改封廣宗郡公增邑一千戶

陸希質爲龍驤將軍膠州刺史時梁將侵州界希質討破之轉建州刺史

李神雋自宣武時爲前將軍荊州刺史時梁將曹景宗來寇攻圍積時神雋戮力固守至莊帝時追論固守荊州之功封千乘縣開國侯食邑一千戶

楊侃爲右將軍岐州刺史時元顥內逼莊帝詔以木官假撫軍將軍爲都督率眾鎮大梁未發詔行北中郎將帝至建州叙行從功臣自陽城王徽以下凡十人竝增三階以侃河梁之誠特加四階侃固辭乞同諸人久乃見許於是除鎮軍將軍度支尚書兼給事

黃門侍郎敷西縣開國男食邑一千戶又南渡破元顥于領軍將軍冠受擒之顥便南走車駕入都侃解尚書正黃門加征東將軍金紫光祿大夫以濟河之功進爵濟北郡開國增邑五百戶

辛纂爲征虜將軍兼尚書仍行臺後大都督費穆擊梁將曹義宗擒之入朝言於莊帝稱纂固節危城宜蒙爵賞以勸將來帝乃下詔慰勉之尋除持節平東將軍中郎將賜絹五十疋金裝刀一口

張煜爲冠軍中散大夫後爲別將隨長孫雉西征轉平西將軍大中大夫爲關西都督以功封長平縣開

國男食邑二百戶

斛斯椿為平北將軍從大將軍爾朱榮平葛榮以功

除上黨太守

賀拔勝孝武時為驃騎大將軍攻拔梁下羗戍使人

誘勸諸蠻皆率其種落歸歆漢南大駭馮邕安定沔

陽竝平之進位尚書令進爵琅邪公又為撫軍將軍

大都督出井陘鎮中山元顥入雒勝與爾朱兆破擒

顥息冠受及其都督陳思保莊帝還宮以功贈邑六

百戶

賀拔岳為車騎將軍隸爾朱天光為左相大都督討

万俟醜奴擒蕭寶夤王慶雲天光雖為元帥而岳効

居多加車騎將軍增邑二千戶進封樊城縣開國伯

又孝莊時為衛將軍左都督大破赤水蜀賊軍咸大

振時万俟醜奴自率大眾圍岐州岳擊退之遂擒醜

奴三秦河渭瓜涼鄯州咸來歸歆岳功多進封清水

郡公尋加侍中給後部鼓吹進位開府雍州刺史

侯莫陳悅為征西將軍爾朱天光之討關西以悅為

右相大都督西伐克獲皆與天光賀拔岳等同勞効

除鄭州刺史

侯淵為中軍副都督嘗從征伐屢有戰功孝莊即位



領左右封厭次縣開國子食邑四百戶後從爾朱榮討葛榮於滏口戰功尤多榮啟淵爲驃騎將軍燕州刺史淵又進討韓樓追擒之以勲進爵爲侯增邑八百戶

樊子鵠爲平北將軍雍帝永安中以招納叛蜀數萬口進封中都縣開國公通前邑千戶元顥人維薛修義及降蜀陳雙熾等受顥處分率衆攻州城子鵠出與戰大破之以功拜撫軍將軍尋徵授西荊州大中正後兼右僕射爲行臺督買智等討呂文欣於東徐州平之還除車騎將軍左光祿大夫進封南陽郡開

國公增邑六百戶又假驃騎大將軍都督二豫州鄆三州諸軍事兼尚書右僕射子鵠到相州又勅資絹五百疋及趙道延叛爲荊州詔子鵠通三鵠道而還遭母憂去職前廢帝聞其在雒無宅凶費不周資絹四百疋粟五百石

源子恭初自孝明正光中爲冠軍將軍時秦益氏反詔子恭持節爲都督河間王琛軍司馬討之事平仍行南秦州事及六鎮反以子恭兼給事黃門郎持節慰勞還拜河內太守加後將軍平絳蜀及丹谷清廓二路沮澁不通以子恭爲當郡別將俄而建興蜀復

反相與連勢進子恭爲持節散騎常侍假平北將軍  
加建興都督仍兼尚書行臺與正平都督長孫稚合  
勢進討之破之事平除平南將軍豫州刺中尋加散  
五常侍撫軍大武初郢州刺史元顥達以城降梁詔  
子恭擊退梁將夏侯夔及夏侯亶等衆加鎮南將軍  
又兼尚書行臺擊斬梁軍主胡智達等及元顥人維  
也加子恭車騎將軍未幾顥敗莊帝還進征南將軍  
兼右僕射假車騎將軍後加散騎常侍右光祿大夫  
給事黃門侍郎仍本將軍錄其前後正討功封臨潁  
縣開國侯食邑六百戶出帝永熙中入爲吏部尚書

加驃騎大將軍以子恭在前豫州戰功追賞襄城縣  
開國男食邑二百戶

源于雍爲散騎管侍使持節假撫軍將軍都督兼行  
臺尚書破賊帥紇單步胡提於曲沃堡孝明壘書勞  
勉之子雍在白水郡復破阿非軍於白水郡多所斬  
獲詔遣使勞勉除中軍將軍金紫光祿大夫給事中  
黃門郎封樂平縣開國公食邑一千戶還雒以葛榮  
久逼信都詔假子雍征北將軍爲北討都督時相州  
刺史安樂王鑿據鄴反勅子雍與都督李神軌討平  
之改封陽平縣開國公增邑千五百戶進號鎮東將

軍

魏密孝明末爲冠軍將軍時賊帥葛榮侵擾河北裴衍源子雍敗沒人情不安詔密爲相州行臺援守鄴城莊帝以密全鄴之勲賞安市縣開國子食邑三百戶

鄭先護孝莊時爲前將軍廣州刺史後元顥入雒先護出城拒戰莊帝還京嘉其誠節除使持節散騎嘗侍都督襄廣二州諸軍事鎮南將軍刺史如故進爵郡公

費穆爲輔國將軍孝明孝昌中二絳蜀叛以穆爲都

督討平之拜前將軍散騎嘗侍遷平南將軍光祿大夫又兼武衛將軍討破妖賊李洪於關口之南遷金紫光祿大夫正武衛將軍爾朱榮入雒莊帝詔穆爲使持節南將軍都督南征諸軍事生擒梁將曹義宗以功遷衛將軍進封趙平郡開國公增邑一千戶爾朱榮爲冠軍將軍時乞步落堅胡劔阿如等作亂瓜肆勅勒北列步若反于沃陽榮並滅之以功封安樂縣開國侯食邑一千戶

爾朱兆爲車騎將軍元顥之屯於河橋兆進破安豐王延明顥於是退走莊帝還宮論功除散騎嘗侍車

騎大將軍儀同三司增邑八百戶為汾州刺史復增  
邑千戶尋加侍中驃騎大將軍又增邑五百戶

冊府元龜

淮南李嗣京參閱

西極文翔鳳訂正

豫章黃國琦較釋

將帥部

褒異第八

北齊庠秋干初為後魏雲中刺史後從神武起兵破  
四胡於韓陵封廣平縣公  
堯雄後魏孝莊時為宣威將軍從叱列延討劉靈助  
平之拜鎮東將軍燕州刺史封平城縣伯食邑五百

戶

高邕後魏廢帝時爲使持節冀州刺史隨神武討爾  
朱兆大敗之尋拜侍中開府進爵爲侯食邑七百戶  
高季式東魏孝靜時爲侍中都督從河清公岳破蕭  
明於寒山敗侯景於渦陽除衛尉卿復爲都督從清  
河公攻王思政於潁州拔之以前後功加儀同三司  
文宣天保初封乘氏縣子

庫狄盛爲伏波將軍每從神武征討以功封行唐縣  
伯累遷特進卒贈使持節都督朔瀛趙幽安五州諸  
軍事太尉朔州刺史

薛孤延爲征虜將軍永固侯隸神武爲都督從破爾  
朱兆於廣阿因從平鄴以功進爵爲功累遷常州刺  
史從破周軍於邛山進爵爲功封千戶又從討破山  
胡西攻玉壁入爲左衛將軍改封平秦郡公

韓軌爲鎮城都督從神武破爾朱兆於廣阿封平昌  
縣侯仍督中軍從破爾朱兆於赤嶺嶺再遷秦州刺  
史頻以軍功進封安德郡公後拜大司馬從文宣征  
蠕蠕在軍暴薨贈假黃鉞太宰太師

高市貴爲晉州刺史從神武破紇豆陵於并州有功  
除驃騎大將軍儀同三司封常山郡公邑一千五百

戶又隨大都督婁昭討平樊子鵠除西交州刺史  
潘樂初隨後魏爾朱榮爲別將討元顥以功封敷城  
縣男神武出牧晉州引樂爲鎮城都將從破爾朱兆  
於廣阿進爵廣宗縣伯累以軍功拜雍州刺史  
段榮爲鎮北將軍定州刺史時神武攻鄴未尅榮轉  
輸軍資無闕神武入雒論功封姑臧縣侯邑八百戶  
轉瀛州刺史後除山東太守大都督及卒贈使持節  
定冀滄瀛四州諸軍事定州刺史太尉尚書左僕射  
婁傑爲給事中羽林監從神武破紇豆陵少藩有功  
除鎮東將軍封樂城縣伯邑百戶出爲滄州刺史又

從神武平鄴及破爾朱兆進爵爲都督隨樊子鵠討  
元樹平之除南交州刺史

蔡攜爲平遠將軍帳內別將從神武破葛榮除諫議  
大夫又從平元顥封烏雒縣男

尉長命爲安南將軍樊子鵠據交州反除東南道大  
都督與諸軍討平之轉鎮范陽城就拜幽州刺史督  
安平二州事

王懷爲大都督從神武討爾朱兆於廣阿破之除安  
北將軍尉州刺史

莫大婁貸爲武賁中郎將虞侯大都督從神武擊爾

朱兆於廣阿有功加前將軍封石城縣子邑三百戶  
又從破四胡於韓陵進爵爲侯後除晉州刺史汾州  
胡賊爲寇竊高祖往討焉以貸文爲前鋒每有戰功  
還賚奴婢二十人牛馬各五十布一千疋仍爲汾陝  
東雍晉秦五州大都督

可朱渾元爲車騎大將軍討西魏儀同金祚黑智達  
於東雍擒之遷并州刺史又與諸將征伐數有尅捷  
降下天保初封扶風郡王頻從文宣討山胡茹茹累  
有戰功累遷太師薨贈假黃鉞太宰錄尚書

劉豐爲汾州刺史與諸將征討平定寇亂又從神武  
破周文於河陰豐功居多神武執其手嗟賞之入爲  
左衛將軍破六韓嘗爲撫軍與諸將征討又從神武  
擊諸寇累遷車騎大將軍開府封平陽公除汾州刺  
史

金祚爲車騎將軍芒山之戰以大都督從神武破西  
軍除華州刺史文宣受禪加開府儀同三司別封臨  
濟縣子

叱列平爲武衛將軍隨爾朱榮破葛榮平元顥遷中  
軍都督右衛將軍封瘿陶縣伯邑七百戶後爲東郡  
大行臺從神武平爾朱兆又從領軍婁昭討樊子鵠

前唐元龜 卷之三百八十二

平之授使持節華州刺史

步大汗薩為揚武將軍從爾朱榮討平葛榮累功加

鎮南將軍

堯奮為中堅將軍安邑縣子從神武平鄴破爾朱兆

等進爵為伯出為南汾州刺史破西魏行臺薛崇禮

眾轉驃騎將軍左光祿大夫潁州刺史卒贈兗豫梁

三州諸軍事司空兗州刺史

張保雒為奉事都尉隸神武為都督從討步蕃又為

帳內從討爾朱兆於廣阿遷右將軍中散大夫又從

圍鄆城既拔除平南將軍光祿大夫從破爾朱兆等

於韓陵因隨神武入雒加安東將軍封平昌縣薄家

城鄉男邑一百戶

封延之神武以為大行臺左光祿以都督從婁昭討

樊子鵠事平除青州刺史

李景遺為龍驤將軍力戰爾朱兆有功除使持節大

都督左將軍進爵昌平郡公增邑三百

盧勇行雒州事時官軍圍廣州數旬未拔勇率騎擒

西魏儀同程華降廣州守將雒超神武以勇行廣州

事授儀同三司揚州刺史卒贈物之外別賜布絹四

千匹



斛律金後魏孝莊時爲寧朔將軍屯騎校尉從破葛榮元顥頗有戰功加鎮南大將軍神武南攻鄴留金守信都別討李循破之加右光祿大夫會神武於鄴仍從平晉陽追滅爾朱兆以金爲汾州刺史大都督進爵爲侯及周文帝入雒陽神武使金統劉豐步大汗薩等步騎數萬守河陽城以拒之神武到仍從破定軍還除大司馬改封石城郡公邑一千戶轉第一領民酋長文襄時爲肆州刺史西魏九曲戍將馬紹隆據險要關金破之以功別封安平縣男文宣受禪封咸陽郡王刺史如故天保元年冬朝晉陽宮金病

帝幸其宅臨視賜以醫藥中使不絕病愈還州三年就除太師帝征奚賊金亦從行軍還帝幸肆州與金宴射而去四年解州以太師還晉陽車駕復幸其第六宮及諸王盡從置酒作樂極夜方罷遷左丞相又詔金朝見聽乘步挽車至階武成登極禮遇彌重及卒武成舉哀西堂後主又舉哀於晉陽宮賜假黃鉞使持節都督朔定冀并瀛青齊滄幽肆晉汾十二州諸軍事相國太尉公錄尚書朔州刺史  
宋顯爲神武行臺右丞樊子鵠據兖州反前西兖州刺史乙瑗等屯據五梁以應子鵠神武以顯行西兖

州事率衆計破之拜西交州刺史

慕容紹宗爲西南道軍司討破宜陽叛民李延孫軍  
還行揚州刺史尋行豫州刺史時西魏將獨孤如願  
據雒州神武命紹宗率兵赴武牢平之進爵爲公  
薛循義爲衛將軍行晉州事西魏儀同長孫子彥圖  
逼城下循義開門伏甲以待於是遁去神武嘉之就  
拜晉州刺史南汾東雍陝等州賞帛千疋後爲衛尉  
卿時山胡侵亂晉州遣循義追討破之進爵正平郡  
公加開府

綦連猛爲征虜將軍中散大夫東魏孝靜元象元年

從神武向河陽與周文帝戰於邙山二年除平東將  
軍中散大夫其年又轉中外府帳內都督賞邙山之  
功封廣興開國公文宣天保九年除都督東秦州刺  
史隨斛律敦比征茹茹大破之賚帛三百段  
杜弼爲衛尉卿會梁遣瀆陽侯蕭淵明等入寇彭城  
大都督高岳行臺慕容紹宗率軍討之詔弼爲軍司  
攝行臺左丞臨發文襄賜胡馬一疋語弼曰此廐中  
第二馬孤嘗自乘騎今方遠別聊以爲賜  
庫狄廻雒後魏莊帝時爲別將從神武破四胡於韓  
陵以軍功補都督加後將軍大中大夫封順陽縣子

邑四百戶遷左廂都督征山胡先鋒斬級除朔州刺史破周文於河陽轉授夏州刺史芒山之役力戰有功增邑通前七百戶文襄嗣事從平潁川文宣天保初除建州刺史

元景安爲都督領親信都邗山之役力戰有功賜爵西華縣都鄉男天保三年加征西將軍從破庫莫奚於代州轉領左右大都督四年從討契丹於黃龍領北平太守後頻從駕再破茹茹遷武衛大將軍又轉領左右大將軍兼七兵尚書

獨孤永業爲行臺尚書時周人逼雒每爲先鋒以寡敵衆周人憚之加儀同三司賞賜甚厚

暴顯爲大將文宣時與高岳南臨漢水攻下梁西楚州師還加開府儀同三司賞帛五百疋

盧潛孝昭時爲揚州道行臺左丞時陳秦雍二州刺史王奉國合州刺史周令珍前後入寇潛輒破平之以功加散騎常侍食彭城郡遷合州刺史

段韶自神武建義初領親信都督攻劉誕於鄴及韓之戰韶督率所部先鋒陷陣尋從神武出晉陽追爾朱兆於赤巒嶺平之以軍功封夏雒縣男又從襲取夏州擒斛律彌娥哭加龍驤將軍諫議大夫神武爲

西魏將賀拔勝軍所逼韶引弓反射斃其所驅西魏軍退賜馬并金進爵爲公及文襄還鄴韶畱守首陽文襄還賜女樂十數人金十斤繒帛稱是封長樂郡公文宣天保中梁將東方白額潛至宿豫招誘邊民殺害長吏淮泗擾動韶韶討之江淮帖然文宣嘉其功詔賞吳口七十人封平原郡王武成大寧二年除并州刺史高歸彥作亂冀州韶韶與東安王婁叡率衆討平之遷太傅賜女樂十人并歸彥果園一千畝是年十二月周文帝遣將率羗夷與突厥合衆逼晉陽韶戰大破之武成嘉其功別封懷州武德郡公進

位太師後主武平二年二月周師來寇遣韶與右丞相斛律光太尉蘭陵王長恭同往捍禦軍還以功別封樂陵郡公竟以疾薨帝舉哀東堂賜物千段温明祕器輜輶車軍控之士陳衛送至平恩墓所發卒起冢贈假黃鉞使持節都督朔并定趙冀滄齊交梁雒晉建十二州諸軍事相國太尉錄尚書事朔州刺史慕容儼後魏孝明時爲河間王元琛左廂軍主率衆救壽春以功賜帛五十匹累遷安東將軍高梁太守轉五城太守東雍州刺史沙苑之敗西魏荊州刺史郭鸞率衆攻儼拒守二百餘日晝夜力戰大破鸞軍

追斬三百餘級及擒西魏荊州刺史郭他時諸州多有翻陷唯儼進號鎮南將軍又從神武攻玉壁賜帛七百疋并衣帽等文宣天保初爲開府儀同三司鎮郢州城大破梁軍除趙州刺史進爵爲公賜帛錢十萬至孝昭皇建初別封陽城郡公後主天統四年又別封寄氏縣公并賜金銀酒鍾各一枚胡馬一匹皮景和後主武平中爲領軍將軍陳將吳明徹圍壽陽勅令景和爲賀拔伏恩等赴救景和以討破胡軍始喪敗怯懦而不敢進頓兵淮口頻有勅使催促然始渡淮屬壽陽已陷狼狽北還器械軍資大致遺失

陳將蕭摩訶率步騎於淮北倉陵城截之景和得整士卒旋逆戰摩訶退歸是時拒吳明徹者多致傾覆唯景和全軍而還繇是獲賞除尚書令別封河西郡開國公賜錢二十萬酒米十車

斛律光爲左衛將軍天保三年從文宣出塞光先驅破敵還除晉州刺史九年又率衆取周絳州白馬澮文翼城等四戍除朔州刺史武成河清三年冬周遣其柱國大司馬尉遲迥等逼雒陽光率騎五萬擊敗之文成幸雒陽策勲班賞遷太尉又封冠軍縣公後主武平二年光大破周柱國章孝寬等軍於平隴封

中山郡公增邑千戶

長孫澄爲征東將軍從太祖戰芒山進位驃騎大將軍開府孝閔踐祚拜大將軍義門郡公爲玉壁總管卒自喪初至及葬明帝三臨之典祀中大夫宇文容諫曰君臨臣喪自有節制今乘輿屢降恐乖禮典帝不從

侯莫陳順爲驍衛將軍從太祖征討拜大都督西魏東討順與太尉王明僕射周惠達等留鎮長安時趙青雀反明及惠達等奉魏太子出次渭北魏文帝還執順手曰河橋之戰卿有殊力便解所服金縷玉帶

賜之

李弼爲秦州刺史從太祖平竇泰先鋒陷敵太祖以所乘騅馬賜之及泰所著牟甲亦賜之又從平弘農與齊神武戰於沙苑大破之以功拜特進進爵趙郡公

于謹爲閣門大都督從太祖征潼關破迴雒城授北雍州刺史進爵藍田縣公後爲柱國大將軍率衆出討江陵太祖餞於青泥谷及立梁宣帝振旅而還太祖親至其第宴語極歡賞謹奴婢一十口及梁寶物并金石絲竹樂一部

趙貴爲車騎大將軍從太祖復弘農戰沙苑拜侍中  
驃騎大將軍開府又從河橋及援玉壁又從戰芒山  
拜柱國大將軍

獨孤信後魏孝文時爲武衛將軍孝武西遷單騎及  
之於灑澗孝武嘆曰武衛遂能辭父母捐妻子遠來  
從我世亂識忠良豈虛言哉卽賜御馬一匹進爵浮  
陽公時荊州雖陷東魏人猶戀本朝仍以信兼尚書  
右僕射東南道行臺荊州刺史以招懷之信遂大破  
東魏將又破諸蠻三荆遂定就拜車騎大將軍  
侯莫陳崇爲驃騎大將軍開府從擒竇泰復弘農破

沙苑從戰河橋崇功多進位柱國

若干惠爲中堅將軍從賀拔岳西征定隴右惠每力  
戰有功累遷征西將軍魏孝武西遷除右衛將軍就  
擒竇泰復弘農破沙苑惠每先登陷陣加開府進長  
樂公又從太祖戰芒山太祖壯之遷司空

怡峯爲征虜將軍從太祖平隴右破竇泰復弘農敗  
沙苑又與諸將征討每皆尅捷威名大振累遷卓騎  
大將軍開府夏州刺史

鄧亮以都督從賀拔岳西征嘗先鋒陷陣以功拜大  
都督及太祖置十二軍諸將將之亮領一軍每征討

爲騎將以迎魏武功遷左大都督從擒竇泰復弘農  
與沙苑之役並力戰有功遷車騎大將軍開府封長  
廣公亮以勇敢見知爲當時名將兼屢陳謀策多合  
機宜太祖謂曰卿文武兼資卽孤之孔明也出爲東  
雍州刺史卒於州喪還京文帝親臨之泣而謂人曰  
股肱喪矣腹心何寄令鴻臚卿監護喪事追贈太尉  
豆盧寧爲別將封雒陽伯嘗從太祖征討又與諸將  
破平諸寇累遷大司寇進封楚公邑萬戶

楊忠爲征西將軍河橋之上忠力戰守橋敵人不得  
進芒山之戰又先登陷陣除侍中驃騎大將軍開府

王明爲積射將軍隨賀拔岳爲先鋒擒万俟醜奴平  
秦隴嘗先登力戰拜征西將軍秦郡太守太祖討侯  
莫陳悅以明爲留後大都督鎮高平悅平除原州刺  
史趙青雀之亂以節度關中諸軍出領渭北事平進  
爵長樂郡公增邑并前二千戶  
賀蘭祥爲都督從平侯莫陳悅又迎魏孝武又前後  
功封撫夷縣伯邑五百戶仍從擊潼關獲東魏將薛  
長儒又攻迴雒城拔之還拜左右直長進爵爲公增  
邑并前一千三百戶西魏文帝大統三年又從于謹  
攻楊氏壁祥先登克之遷右衛將軍加持節征虜將



軍沙苑之役詔祥留衛京師後以留守功贈邑八百  
戶尋除鎮西大將軍四年文帝東伐祥以領軍從戰  
河橋以功加使持節大都督八年遷車騎大將軍儀  
同三司散騎嘗侍九年從太祖與東魏戰於芒山進  
位驃騎大將軍開府儀同三司加侍中  
尉遲綱西魏文帝時爲殿中將軍大統元年授帳內  
都督討曹泥破之又從破竇泰以功封廣宗縣伯邑  
五百戶仍從復弘農克河北郡戰沙苑皆有功河橋  
之戰綱與李穆等從太祖力戰前後功增邑八百戶  
進爵爲公仍拜平遠將軍步兵校尉

叱列伏龜後魏孝明時爲別將從長孫稚西征以戰  
功累遷征西將軍金紫光祿大夫後還稚授都督後  
從太祖征討丞有戰功西魏文帝大統八年出爲北  
雍州刺史加大都督尋進位驃騎大將軍儀同三司  
散騎嘗侍

閻慶爲中堅將軍奉車都尉河橋之役以功拜前將  
軍大中大夫遷後將軍封安次縣子邑四百戶及芒  
山之戰先登陷陣拜撫軍將軍大都督進爵爲伯增  
邑五百戶

達奚武爲東秦州刺史齊神武趣沙苑太祖遣武覘

之具知敵之情狀以告太祖太祖深嘉焉遂破之進  
爵高陽公拜車騎大將軍太祖援雒陽武攻戰斬其  
司徒高敖曹遷侍中驃騎大將軍開府後遷上柱國  
平鄴討平寇難賜女樂一部及珍玩物  
王謙爲柱國大將軍討吐谷渾力戰有功是時高祖  
東征兼又力戰進上柱國益州總管

蔡祐爲都督從太祖討侯莫陳悅破之又從迎西魏  
孝武於潼關以前後功封萇鄉縣伯邑五百戶魏文  
帝大統初加寧朔將軍羽林監尋持節員外散騎嘗  
侍進爵爲侯增邑一千一百戶從太祖擒竇泰復弘

農戰沙苑皆有功授平東將軍大中大夫魏恭帝二  
年爲兵部中大夫江陵初附諸蠻騷動詔祐與大將  
軍豆盧寧討平之三年拜大將軍給後部鼓吹以前  
後功增邑并前四千戶

嘗善爲龍驤將軍從太祖平侯莫陳悅除天水郡守  
魏孝武西遷授武衛將軍進爵武始縣伯增邑二百  
戶魏文帝大統初加平東將軍進爵爲侯擒竇泰復  
弘農破沙苑累有戰功除使持節衛將軍假驃騎大  
將軍秦州刺史四年從戰河橋加大都督進爵爲公  
除涇州刺史屬茹茹入寇抄掠北邊善率所部破之

拜車騎大將軍儀同三司

辛威爲羽林監從太祖迎魏孝武因攻迴維城功居最魏文帝大統元年拜寧遠將軍增邑二百戶累遷直散騎常侍進爵爲侯增邑三百戶從擒竇泰復弘農戰沙苑竝先鋒陷敵勇冠一時以前功授撫軍將軍銀青光祿大夫從于謹破襄城又從獨孤信入雒陽經河橋陣加持節進爵爲公增邑八百戶

李賢爲宣威將軍時賀拔岳爲侯莫陳悅所害太祖西征賢與其弟遠穆等密應侯莫陳崇以功授都督仍守原州及大將軍至秦州悅棄城走太祖以賢爲

前驅轉戰悅自到於陣太祖嘉之賞奴婢布帛及雜畜等授持節撫軍大將軍都督魏孝武西遷太祖令賢率騎士迎衛時山東人衆多欲逃歸帝乃令賢以精騎三百爲殿衆皆憚之莫敢亡叛封下邳縣公邑一千戶俄授左都督安東將軍還鎮原州西魏文帝大統三年州民豆盧狼害都督大野樹兒等據州城反賢一戰而敗之遷原州刺史尋行原州事四年莫折後熾連結賊黨所在寇擊賊大敗師還以功賞奴婢四十口雜畜數百頭八年授原州刺史十二年隨獨孤信征涼州平之又撫慰張掖等五郡而還俄而

茹茹圍逼州城賢追擊捕獲不可勝計人得安堵加授使持節車騎大將軍儀同三司遷驃騎大將軍開府儀同三司太祖之奉魏太子西巡也至原州遂幸賢第讓齒而坐行鄉飲酒禮焉其後太祖又至原州令賢乘路車備儀服以諸侯遇禮相見然後幸賢第歡宴終日凡是親族頒賜有差

李遠爲征東大將軍從征竇泰復弘農竝有殊勳授都督原州刺史沙苑之役遠功居多除車騎大將軍儀同三司進爵陽平郡公邑三千戶

赫連達爲都將軍從太祖平侯莫陳悅加平東將軍仍賜馬二百匹魏孝武入關褒叙勲義以達首迎元帥救復秦隴進爵魏昌縣伯邑五百戶又破曹泥除鎭南將軍金紫光祿大夫加通直散騎常侍增邑并前一千戶從復弘農戰沙苑皆有功又增邑八百戶除白水郡守轉帥都督加持節除濟州刺史以達勲望兼隆乃除雲州刺史卽本州也進爵爲公拜大都督

韓果爲宣威將軍從太祖討平侯莫陳悅遷都督賜爵邯鄲縣男西魏孝武入關進封石城縣伯邑五百戶文帝大統初進爵爲公增邑通前一千戶加通直

散騎嘗侍從太祖襲竇泰於潼關太祖依其規畫軍以勝返賞真珠金帶一條帛二百匹授征虜將軍又從復弘農攻拔河南城獲守一人論功爲最破沙苑戰河橋並有功授撫軍將軍銀青光祿大夫增邑九百戶

庫狄昌爲衛將軍右光祿大夫太祖迎後魏孝武復潼關封長樂縣子邑八百戶西魏文帝大統初進爵爲公增邑一千戶從破竇泰授車騎將軍左光祿大夫又從復弘農戰沙苑皆先登陷陣太祖嘉之授帥都督四年從戰河橋除黃州刺史後與于謹破胡賊

劉平伏於上郡授馮翊太守久之轉河北郡守十三年錄前後功授大都督通直散騎嘗侍又從隋公楊忠破蠻賊田社清昌功爲最增邑三百戶拜儀同三司

田弘爲都督從太祖復弘農戰沙苑解維陽圍破河橋陣弘功居多累蒙殊賞尋授原州刺史太祖在同州文武並集乃謂之曰人人如弘盡心天下豈不早定卽授車騎大將軍儀同三司武帝天和中爲大將軍拔宜陽等九城以功增邑五百戶進位在國大將軍

尉遲迥初爲西魏文帝帳內都督從太祖復弘農破沙苑皆有功累遷尚書左僕射兼領軍將軍後拜大將軍時梁元帝弟紀在蜀稱帝迥伐破之詔迥爲大都督益等十八州諸軍事益州刺史以平蜀功遣大鴻臚郊勞仍賜袞冕服孝閔踐祚進位柱國大將軍以迥有平蜀之功同霍去病冠軍之義封寧蜀公爵邑萬戶

梁椿爲都督從太祖平侯莫陳悅拜衛將軍右光祿大夫西魏文帝大統初進爵樂城伯增邑五百戶出爲東郡太守尋進爵爲公遷梁州刺史從復弘農破

沙苑與獨孤信入維從宇文貴破東魏將堯雄等累有戰功授車騎大將軍儀同三司大都督從戰河橋進爵東平公增邑一千戶俄遷侍中驃騎大將軍開府儀同三司又從于謹討稽胡劉平伏椿擒其別帥劉持塞又從獨孤信討岷州羌梁金破之除渭州刺史又從李弼赴潁州與侯景攻陷韓鎮以功增邑四百戶

梁臺爲趙平郡太守與太僕石猛破兩山屠者增邑一百戶轉平梁郡守與刺史史寧討莫折后熾復與于謹破劉平伏錄前后勲授潁州刺史累遷驃騎大

將軍孝明帝時從賀蘭祥征洮陽先登有功別封綏安縣侯邑一千戶

王勇爲奉車都尉數從侯莫陳悅賀拔岳征討功居多拜別將太祖引爲帳內直盪都督前後將軍從擒竇泰復弘農戰沙苑所當必破太祖嘆其勇敢賞賜特隆進爵爲公邑一千五百戶拜鎮南將授帥都督從討趙青雀以平之論功居最除衛大將軍殷州刺史加通直散騎嘗侍兼太子武衛率芒山之戰勇及王文達耿令貴三人力戰皆有殊勲太祖於是賞帛二千疋令自分之軍還皆拜上州刺史後進侍中驃

騎大將軍從在國趙貴征茹茹破之進爵新陽公增邑通前二千戶

宇文虬爲征虜將軍從獨孤信在荊州破梁兵於下澧以功加安西將軍銀青光祿大夫員外直閣將軍閣內都督封安南縣侯邑九百戶及魏孝武西遷爲獨孤信帳內都督破田八能及擒東魏荊州刺史辛纂虬功居多尋隨信奔梁魏文帝大統三年歸闕論前前後後功增邑四百戶進爵爲公擒竇泰復弘農及沙苑河橋之戰皆有功增邑八百戶進車騎將軍左光祿大夫七年除漢陽郡守又從獨孤信討梁企破之

十二年出爲南秦州刺史加車騎將軍儀同三司進  
驃騎大將軍開府儀同三司追論斬辛纂功增邑千  
戶

賀若敦爲驃騎大將軍時岷蜀初開巴西人譙淹據  
南梁與梁西江州刺史共爲表裏扇動羣蠻太祖令  
敦率軍討破之進爵武都公邑通前一千七百戶

權景宣爲平西將軍祠部郎中從太祖拔弘農破沙  
苑皆先登陷陣轉外兵郎中及東魏將王元軌入維  
景宣與延孫等擊走之以功授大行臺左丞進屯宜  
陽攻襄城拔之太祖嘉之徵入朝錄前後功封顯親

男邑三百戶

王傑爲太祖都督復潼關破沙苑爭河橋戰芒山皆  
以勇敢聞親待日隆賞賜加於倫等岐州刺史加撫  
軍銀青光祿大夫進爵爲功邑八百戶

宇文測爲尙書直事郎中從太祖戰河橋別監李弼  
軍討白額稽胡並有戰公爵爲侯

史寧爲賀拔勝大都督率步騎一萬攻梁下滎戍破  
之封武平縣伯邑五百戶久之遷平騎將軍行涇州  
事討破賊帥莫折後熾轉通直散騎嘗侍後爲涼甘  
瓜三州諸軍事每戰茹茹破之前後獲數萬進爵安



政郡公及吐谷渾通使于齊寧擊獲之就拜大將軍  
寧遣使詣太祖請事太祖卽以所服冠履衣服及弓  
箭甲稍等賜寧

陸騰爲車騎大將軍與安康賊黃衆寶戰大破之軍  
還拜龍州刺史後爲隆州總管討信州蠻蠻前後破  
平諸賊凡賞得奴婢八百口馬牛稱是

宇文盛爲威烈將軍兼都督從太祖擒竇泰復弘農  
破沙苑授都督平遠將軍步軍較尉進爵爲公增邑  
八百戶復遷驃騎大將軍開府儀同三司鹽州刺史  
及楚公趙貴謀爲亂盛密赴京告之貴誅授大將軍

進爵忠誠郡公除涇州都督賜甲一領奴婢二百口  
馬五百匹牛羊及贖田什物等稱是

耿豪一名令貴爲征虜將軍從太祖擒竇泰復弘農  
豪先鋒陷陣加前將軍中散大夫沙苑之戰豪殺傷  
甚多血染甲裳盡赤太祖見之嘆曰令貴武猛所向  
無前於是進爵爲公增邑通前一千五百戶除鎮北  
將軍金紫光祿大夫南郢州刺史又從太祖戰邛山  
當前者死傷相繼太祖嘉之拜北雍州刺史論前後  
戰功進授車騎大將軍儀同三司增邑通前一千八  
百戶進位侍中驃騎大將軍開府儀同三司及卒太

祖痛惜之以本官加朔州刺史

高琳初自魏孝明正光初起家衛府都督從元天穆討邢杲破梁將陳慶之以功轉統軍又從爾朱天光破万俟醜奴論功爲最除寧朔將軍奉車都尉魏孝文西遷從入關至溱水爲齊神武所追拒戰有功封鉅野縣子邑三百戶進爵爲侯增邑四百戶轉龍驤將軍頃之遷平西將軍加通直散騎嘗侍從太祖破齊神武於沙苑轉安西將軍進爵爲公增邑八百戶累遷衛將軍又從擒莫多婁貸文仍戰河橋琳先驅奮擊勇冠諸軍太祖嘉之曰卽我之韓白也拜太子

左庶子尋以本官鎡玉壁復從太祖戰芒山除正平郡守加大都督增邑三百戶又擊退齊將東方老老使人勸琳東歸琳斬其使以聞進使持節車騎大將軍儀同三司散騎嘗侍除鄜州刺史加驃騎大將軍開府儀同三司侍中孝閔帝踐祚進爵鍵爲郡公邑一千戶世宗武成初從賀蘭祥征吐谷渾除延州刺史後遷江陵總管抗陳將吳明徹退之詔琳入朝親加勞問進授大將軍仍副衛公直鎡襄州進位柱國及薨贈本官加冀定滄齊等州諸軍夏州刺史李和初爲賀拔岳帳內都督以破諸賊功稍遷北將

軍金紫光祿大夫賜爵思陽公

伊婁穆字奴干初爲太祖內親信授奉朝請芒山之役力戰有功拜爲都督丞相府參軍事累遷撫軍將軍大都督通直散騎嘗侍嘗入白事太祖望見悅之字之曰奴干作儀同面見我矣於是拜車騎大將軍儀同三司賜封安陽縣伯邑五百戶孝閔時累遷金州刺史民部中大夫衛公直出鎮襄州以穆爲長史郢州城民王道胃等反穆討平之進位大將軍入爲小司馬從柱國李穆平軹關等城賞布帛三百疋粟

三百石田三十頃

楊紹爲輔國將軍從燕國公子謹圍江陵紹軍於北門流矢中股而力戰不衰事平賞奴婢一百口進驃騎大將軍

王雅爲都督從太祖擒竇泰於潼關沙苑之戰所向披靡太祖壯之又從戰芒山敵衆稍却雅乃還軍錄前後功進爵爲伯

達奚實爲大行臺郎中從太祖擒竇泰復弘農隄沙苑皆力戰有功增邑三百戶加車騎將軍左光祿大夫

劉雄爲驃騎大將軍力戰齊將段孝先於長城西軍

還遷軍司馬進爵為周昌侯邑一千四百戶

侯植為驃騎將軍從太祖破沙苑戰河橋進大都督

加左光祿大夫涼州刺史宇文仲和據州作逆植從

開府獨孤信討擒之拜平騎大將軍儀同三司封肥

城縣公邑一千戶又從于謹平江陵進驃騎大將軍

開府儀同三司賜奴婢一百口

竇熾初為撫軍將軍從魏孝武西遷仍與其兄善至

城下與武衛將軍高金龍戰於千秋門敗之因入宮

城取御馬四十匹并鞍勒進之行所帝大悅賜熾及

善駿馬各二匹駑馬各十匹又加衛將軍從擒竇泰

復弘農破沙苑皆有功增邑八百戶又從太保李弼

討白額稽胡破之除車騎將軍

竇毅為符璽郎從擒竇泰復弘農戰沙苑皆有功拜

右將軍大中大夫進爵為侯邑一千戶

李穆為都督河橋之戰免太祖於難擢授武衛大將

軍加大都督車騎大將軍儀同三司進爵安武郡公

邑一千七百戶前後賞賜不可勝計久之太祖美其

忠節乃嘆曰人之所貴唯身命耳李穆遂能輕身命

之重濟孤於難雖復加之以爵位賞之以玉帛未足

為報也乃特賜鐵券恕以十死進驃騎大將軍開府

儀同三司侍中初穆授太祖以驄馬及後中廐有此色馬者悉以賜之  
韋孝寬為大都督齊神武領山東之衆志圖西以玉壁衝要先命攻之孝寬捍退神武智力俱困遂殂魏文帝嘉孝寬功令殿中尚書長孫紹遠左丞王悅至玉壁勞問授驃騎大將軍開府儀同三司進爵建忠公魏恭帝元年以大將軍與燕公子謹伐江陵平之功封穰縣公還拜尚書右僕射  
趙元定為襄威將軍從太祖討侯莫陳悅以功拜平遠將軍步兵校尉從擊潼關拔迴雒城進爵為伯增

邑三百戶加前將軍中大夫從擒竇泰復弘農破沙苑戰河橋元定皆先鋒以前後功累遷都督征東將軍金紫光祿大夫增邑三百戶芒山之戰元定殺傷甚衆論功為最賞賜甚厚

楊標為驃騎大將軍擊破東魏南絳郡虜其郡守屈僧珍錄前後功封郟陽縣伯邑五百戶芒山之戰追退魏將侯景太祖嘉之賜帛三百疋

李遷哲為車騎大將軍從開府賀若敦討直泮滏三州叛賊旣平之又克巴州及鹿城軍還太祖嘉之以所服紫袍玉帶及所乘馬以賜之并賜奴婢三十口

加授侍中驃騎大將軍開府儀同三司除真州刺史  
卽本州也仍給軍儀鼓節

楊雄爲積射將軍從于謹攻盤豆柵復從李遷哲經  
沙苑陣竝夕戰有功封安平縣侯加冠軍將軍中散  
大夫賞賜甚厚復入雒陽戰河橋解玉壁圍迎高仲  
密接侯景竝預有功前後增邑四百五十戶世襲義  
陽郡守從大將軍宇文虬攻克上津遷通直散騎嘗  
侍都督進儀同三司

冊府元龜

冊府元龜

淮南李嗣京叅閱

西極文翔鳳訂正

豫章黃國琦較釋

將帥部

四十四

褒異第九

隋李雄後周時領左右軍征吐谷渾縱奇兵擊破之  
賜奴婢百口

李金才爲楊素行軍總管破突厥阿勿俟斤於納遠  
川進位大將軍

李詢自高祖爲丞相以元帥長史平尉遲迥之亂進位上柱國改封隴西郡公賜帛千疋加以口馬梁睿後周時爲大將軍從齊王憲拒齊將斛律明月於雒陽每戰有功遷少冢宰高祖主百揆代王謙爲益州總管行至漢川西謙反高祖命睿爲行軍元帥討平之進位上柱國總管如故賜物五千段奴婢一千口金二千兩銀三千兩食邑千戶開皇初徵還京師及引見帝爲之興命睿上殿握手極歡睿退謂所親曰功遂身退今其時也遂謝病於家闔戶自守不交當世帝賜以板輿每有朝覲必令三衛輿上殿

于義爲梁睿行軍總管時王謙搆逆其將達奚甚擁衆據開遠義將左軍擊破之尋拜同州總管賜奴婢五百口雜綵三千段

陰壽仕周爲儀同從武帝平齊進位開府賜物千段奴婢百口女樂二十人高祖爲丞相壽以行軍總管鎮幽州卽拜幽州總管時有高寶寧者齊氏之疎屬也周武帝拜爲營州刺史連結契丹靺鞨舉兵反壽遣人陰間其所親任者寶寧爲其麾下所殺北邊遂安賜物千段卒官贈司空

竇榮定初爲平東將軍從周太祖與齊人戰於北芒

擊郤齊以功拜上儀同後從周元皇帝引突厥木柁  
侵齊之并州賜物三百段襲爵永富縣公邑千戶進  
位開府除中州刺史從武帝平齊加上開府拜前將  
軍飲飛中大夫高祖受禪累遷右武衛大將軍尋除  
秦州總管賜吳樂一部突厥沙鉢累寇邊以爲行軍  
元帥率九總管步兵三萬出涼州數挫其鋒沙鉢累  
突厥請盟而去賜縑萬匹進爵安豐郡公增邑一千  
六百戶轉左武衛大將軍開皇六年卒帝爲之廢朝  
令左衛大將軍元曼監護喪事賜絹三千疋贈冀州  
刺史陳國公

元景山周閔帝時爲撫軍將軍數從征伐累遷儀同  
三司賜爵文昌縣公授壘川防主後與齊人戰於北  
邙斬級居多加開府遷建州刺史進封宋安郡公邑  
三千戶從周武帝平齊每戰有功拜大將軍改封平  
原郡公邑二千戶賜女樂一部帛六千疋奴婢二百  
五十口牛羊數千高祖爲丞相景山以上將軍率騎  
與司馬消難將樊毅馬傑等戰剋之拜安州總管進  
位柱國將軍賜帛三千疋時桐栢山蠻相聚爲亂景  
山復擊平之高祖受禪拜上柱國  
源雄周太祖時賜爵隴西郡公後周武帝伐齊以功



授開府改封朔方郡公拜冀州刺史時以突厥寇邊徙雄爲平州刺史以鎮之未幾檢校徐州總管及高祖爲丞相時陳人見中原多故遣其將陳紀等侵江北雄與吳州總管于顓等擊走之又東潼州刺史曹孝達據州作亂雄遣兵襲擊走之進位上大將軍伐陳之役從秦王俊出信州道及陳平以功進位上柱國賜物千段復鎮朔州

豆盧勣仕周爲柱國利州總管高祖爲丞相益州總管王謙作亂勣嬰城固守出奇兵擊之賊因解去高祖遣開府趙仲卿勞苦之詔可使持節上柱國及突

厥犯塞以勣爲北道行軍元帥以備邊歲餘拜夏州總管詔曰上柱國楚國公勣蜀人寇亂之日稱兵犯順固守金湯隱如敵國嘉猷大節其勞已多可食始州臨津縣邑千戶後以病徵還京師詔諸王竝至勣第中使顧問道路不絕其年卒高祖悼惜者久之特加賜贈鴻臚監護喪事

豆盧通仕周爲武賁中大夫北徐州刺史及高祖爲丞相尉遲迥作逆遣其所署台州刺史烏丸泥率衆來攻通逆擊破之賜物八百段進位大將軍賀若誼仕周爲熊州刺史平齊之役誼率兵出函谷

先據雒陽卽拜雒州刺史進封建威縣侯齊范陽王  
高紹義之奔突厥也誼以兵追之戰於馬邑遂擒紹  
義以功進位大將軍高祖爲丞相拜亳州總管西過  
司馬消難東拒尉遲迥申州刺史李慧反誼討平之  
進爵范陽郡公授上大將軍

梁士彥爲熊州刺史從周武帝拔晉州進位柱國除  
使持節晉絳二州諸軍事晉州刺史及帝還後齊後  
主親總六軍而圍之士彥固守孤城及齊平封郿國  
公進位上柱國

梁剛仕周爲儀同以平尉遲迥功加開府擊突厥有

勲進位上大將軍通政縣公

梁默爲行軍總管從楊素北征突厥進位大將軍漢  
王諒之反復以行軍總管從楊素討平之加授上柱  
國

宇文欣仕周爲儀同三司賜爵興固縣公韋孝寬之  
鎮玉壁也以欣同行屢有戰功加位開府驃騎將軍  
進爵化政郡公邑二千戶從武帝伐齊拔晉陽及齊  
平進位大將軍賜物千段尋與烏丸軌破陳將吳明  
徹於呂梁進柱國賜奴婢二百口高祖爲丞相尉遲  
迥作亂以欣爲行軍總管從韋孝寬擊之迥軍大敗

及平鄴城以功加上柱國賜奴婢二百口牛馬羊萬計高祖顧欣曰尉遲迥傾山東之衆連百萬之師公舉無遺策戰無全陣滅天下之英傑也進封英國公增邑三千戶

王誼周武帝時爲內史大夫封陽國公從帝伐齊帝賴以全濟及齊平授相州刺史未幾徵爲內史汾州稽胡爲亂誼率兵擊走及平賊而還賜物五千段高祖爲丞相轉汾州總管司馬消難反誼爲行軍元帥討平之高祖以誼前代舊臣甚加禮敬之遣使勞問冠蓋不絕拜大司馬誼自以與高祖有舊亦歸心焉

及帝受禪顧遇彌厚帝親幸其第與之極歡

元諧爲大將軍時高祖爲丞相尉遲迥作亂遣兵寇小鄉令諧擊破之及高祖受禪賜宴極歡進位上大將軍封樂安郡公邑千戶吐谷渾寇梁州詔諧爲行軍元帥擊破之詔遷上柱國

王世積仕周爲上儀同長子縣公高祖爲丞相尉遲迥作亂從韋孝寬擊之每戰有功拜上柱國高祖受禪進封宜陽郡公未幾授蘄州總管平陳之役以舟師自蘄水趨九江與陳將紀瑱戰於蘄口大破之又移書告諭陳諸兵將並降以功進位柱國荊州總管

賜絹五百段加之寶帶邑三千戶後數歲桂州人李光仕作亂世積以行軍總管討平之帝遣都官員外郎辛凱卿馳勞之及還進位上柱國賜物二千段帝甚重之遼東之役與漢王竝爲行軍元帥至柳州遇疾疫而還拜涼州總管令騎士七百人送之官

高頴周武帝時爲下士大夫以下齊功拜開府從越王盛擊隰州叛胡平之高祖得政屬意於頴委以心膂尉遲迥之起兵遂自請行大破之因平尉遲迥還嘗侍宴於臥內帝撤御帷以賜之進位柱國改封義寧縣公遷丞相府司馬高祖受禪拜尚書左僕射兼

納言進封渤海郡公俄拜左衛大將軍時突厥屢爲寇患詔頴鎭邊及還賜馬百餘匹牛羊千計後爲左領軍大將軍及伐陳以頴爲元帥陳平以功授上柱國高祖幸并州留頴居守及帝還京賜縑五千疋復賜行宮一所以爲莊舍其夫人賀拔氏寢疾中使顧問駱驛不絕帝親幸其第賜錢百萬絹萬疋復賜以千里馬

楊素周武帝時爲車騎大將軍父敷終於大都督及平齊之役素請率父麾下先驅帝從之賜以竹策曰朕方欲大相驅策故用此物賜卿從齊王憲與齊人

戰於河陰以功封清河縣子邑五百戶授司城大夫  
復從憲拔晉州其後每戰有功及齊平加上開府改  
封安城縣公邑千五百戶賜以粟帛奴婢雜畜高祖  
爲丞相會尉遲迥作亂榮州刺史宇文弔據武牢以  
應迥高祖拜素大將軍發河內兵擊弔破之遷徐州  
總管進位在國封清河郡公邑二千戶高祖受禪加  
上柱國帝方圖江表先是素數進取陳之計未幾拜  
信州總管賜錢百萬錦千段馬二百匹而遣之及大  
舉伐陳以素爲行軍元帥大破賊還拜荊州總管進  
爵越國公邑三千戶眞食長壽縣千戶賜物萬疋粟

萬石加以金寶又賜陳主妹及女妓十四人轉內史  
俄而江南人李稜等作亂素進討悉平之帝以素久  
勞於外詔令馳傳入朝加子玄感官爲上開府賜綵  
物三千段又斬浙江賊帥高智惠於泉州自餘支黨  
悉來降附江南大定帝遣左領衛將軍獨孤陀至浚  
儀迎勞比到京師問者日至賜黃金四十斤加銀餅  
實以金錢縑三千段馬二百匹羊三千口公田百頃  
宅一區又爲并州道行軍總管討平漢王諒以功賞  
物五萬段綺羅千疋諒之妓妾二十人後爲靈州道  
行軍總管破達可汗優詔褒賜縑二萬匹及萬釘寶

帶

楊文恩仕周爲車騎大將軍治冀州事討平黨項羗及擊破山獠等又從陳王攻齊河陰城又從帝攻拔晉州以勲進授上儀同三司改封永寧縣公增邑至千戶又生擒壽陽劉叔仁及別從王誼破賊於鯉魚柵其後累以軍功遷果毅右旅下大夫高祖爲丞相從韋孝寬拒尉遲迥於武陟迥遣其將李儁圍懷州與行軍總管宇文述擊走之破尉遲惇平鄴城皆有功進授上大將軍改封雒川縣公尋拜隆州刺史開皇元年進爵正平郡公加邑二千戶

蘇孝慈爲宣納上士從武帝伐齊以功進位開府賜爵文安縣公邑千五百戶

蘇沙羅仕周爲都督從韋孝寬破尉遲迥以功授開府儀同三司封通泰縣公及高祖開皇中遷檢校利州總管事從史萬歲擊西爨累戰有功進位大將軍賜物千段尋檢校益州總管長史會越雋人王奉舉兵作亂沙羅從段文振討平之賜奴婢百餘口

李雄周太祖時爲輔國將軍從達奚武平漢中定興州又討汾州胡録前後功拜驃騎大將軍儀同三司武帝時爲涼州總管長史從滕王道破吐谷渾於青

海以功加上儀同宣帝嗣位從行軍總管韋孝寬畧  
定淮南雄以輕騎數百至硤石說下十餘城拜亳州  
刺史高祖總百揆徵爲司會中大夫以淮南之功加  
位上開府高祖受禪拜鴻臚卿進爵高都郡公食邑  
二千戶

韋洸仕周爲開府賜爵衛國縣公高祖爲丞相從季  
父孝寬擊尉遲迥於相州以功拜柱國進封襄陽郡  
公邑二千戶

韋藝爲上開府時高祖爲丞相藝從季父孝寬擊尉  
遲迥及破尉遲惇平相州皆有力焉以功進位上大

將軍改封武威縣公邑千戶高祖受禪進封魏興郡  
公

宇文慶爲驃騎大將軍從周武帝拔晉州及齊師大  
至慶又破高緯拔高壁克并州下信都擒高諧功並  
居最武帝詔遷大將軍封汝南郡公邑千六百戶尋  
以行軍總管擊延安反胡平之拜延州總管俄轉寧  
州總管高祖爲丞相復以行軍總管江南江表師次  
白帝徵還以勞進位上大將軍尋加柱國開皇初拜  
左武衛大將軍進位上柱國

楊文紀仕周爲車騎大將軍安州總管長史將兵迎

陳降將李瑗於齊安與陳將周法尙軍遇擊走之以功進授開府高祖爲丞相改封汾陰縣公從梁睿討王謙以功進授上將軍前後增邑三千戶

李禮成仕周爲平東將軍以軍功拜車騎大將軍儀同三司賜爵修陽縣侯伐齊之役從武帝圍晉陽禮成以兵擊南門齊席毗羅率精甲數千拒帝禮成力戰退之加開府進封冠軍縣公

元褒仕周官至開府北平縣公趙州刺史及高祖爲丞相從韋孝寬擊尉遲迥以功超拜柱國進封河間郡公邑二千戶高祖仁壽初以行軍總管擊平嘉州

夷獠煬帝卽位拜齊州刺史

郭榮周武帝時爲宣納中士從帝平齊以戰功賜馬二十疋錦絹六百段封平陽縣男至高祖仁壽初西南夷獠多叛詔榮領八州諸軍事行軍總管率兵討之歲餘悉平賜奴婢三百餘口煬帝卽位入爲武侯驃騎將軍後數歲擊平亂夷遷左候衛將軍從帝西征吐谷渾拜銀青光祿大夫遼東之役以功進左光祿大夫從軍攻遼東城榮親蒙矢石晝夜不釋甲胄百餘日帝每令人窺諸將所爲知榮如是帝大悅每勞勉之後拜右候衛大將軍楊玄感之亂帝令馳守



太原明年復從帝至柳城遇疾帝令存問動靜中使相望卒於懷遠鎮帝爲之廢朝贈兵部尚書賜物千段

李安爲黃門侍郎平陳之役高祖以爲楊素行軍司馬仍領行軍總管安率衆先鋒大破陳師高祖嘉之進位上大將軍郢州刺史

長孫覽仕周武帝歷少司空從平齊進封薛國公長孫熾爲稍伯下大夫周武帝建德中從信州總管王長述破王謙擒其僞總管元振以功拜儀同三司至煬帝時歷位大理卿戶部尚書吐谷渾寇張掖令

熾率精騎擊之以功授銀青光祿大夫

韓擒虎爲廬州總管高祖委以平陳之任平金陵執陳叔寶賜物萬段又與賀若弼爭功於帝前於是淮位上柱國賜物八千段其後突厥來朝帝謂之曰汝聞江南有陳國天子乎對曰聞帝命左右引突厥詣擒虎前曰此是執得陳國天子者擒虎厲然顧之突厥惶恐不敢仰視別封壽光縣公邑千戶

韓僧壽仕周爲中旅下大夫高祖得政從韋孝寬平尉遲迥每戰有功授大將軍封昌樂縣公邑千戶至高祖開皇中檢校靈州總管事從楊素擊突厥破之

進位上柱國改封江都郡公  
韓洪仕周爲大都督高祖爲丞相從韋孝寬破尉遲迥於相州加上開府其棠縣侯邑八百戶高祖受禪進爵爲公尋授驃騎將軍平陳之役授行軍總管及陳平以功加上柱國

賀若弼爲吳郡總管時高祖委以平陳之事若弼獻取陳十策帝稱善賜以寶刀開皇九年人舉伐陳以弼爲行軍總管平陳有功帝下詔褒揚及迎勞曰克定三吳公之功也命登御坐賜物八千段加位上柱國進爵宋國公眞食邑三千戶加以寶劍寶帶金甕

金盤各一并雉尾扇曲蓋雜絲二千段女樂二部又賜陳叔寶妹爲妾拜右領軍大將軍

達奚長儒初仕周太祖爲大都督數有戰功假輔國將軍累遷使持節撫軍將軍平蜀之役嘗爲先鋒攻城野戰所當必破除車騎大將軍儀同三司增邑二百戶又遷驃騎大將軍從武帝平齊遷上開府進爵安城郡公邑千二百戶宣政元年除前將軍勇猛中大夫獲陳將吳明徹以功進位大將軍尋授行軍總管高祖爲丞相王謙舉兵於蜀詔長儒擊破之高祖受禪進位上大將軍封蘄春郡公邑二千五百戶

賀婁子幹爲秦州刺史與宇文述等擊破尉遲迥於懷州高祖大悅手書進位上開府封武川縣公邑三千戶開皇元年進爵鉅鹿郡公其年吐谷渾寇涼州子幹爲行軍總管從上柱國元諧擊之功最優詔褒美明年突厥犯蘭州子幹擊之於是册授上大將軍徵授新督副監尋拜工部尚書突厥犯塞詔子幹以行軍總管從竇榮定擊之子幹別路破賊斬首千餘級高祖嘉之遣通事舍人曹威齎優詔勞勉之子幹請入朝詔令馳驛奉見突厥雍虞閭遣使請降并獻羊馬詔以子幹爲行軍總管出西北道應接之還拜

雲州總管以突厥所獻馬百疋羊千口以賜之乃下書曰自公守北門風塵不警突厥所獻還以賜公又史萬歲仕周爲開府儀同三司從梁士彥擊尉遲迥每戰先登及迥平以功拜上大將軍後領車騎將軍平陳之役又以功加上開府及高智慧等作亂江南以行軍總管從楊素擊之萬歲率衆二千自東陽別道而進踰嶺越海攻陷溪洞不可勝數前後七百餘戰轉鬪千餘里寂無聲聞者十旬遠近皆以爲沒萬歲以水陸阻絕信使不通乃置書竹筒中浮之於水汲者得之以言於素素大悅上其事高祖嗟嘆賜其

家錢十萬還拜左領軍將軍

劉方仕周為承御上士尋以戰功拜上儀同高祖為

丞相方從韋孝寬破尉遲迥於相州以功加開府賜

爵河陰縣侯邑八百戶高祖受禪進爵為公開皇三

年從衛王爽破突厥於白道進位大將軍

馮昱多權畧有武藝高祖為丞相以行軍總管與王

誼李威等討叛蠻平之拜在國

王樹驍勇善射高祖以其有將帥才每以行軍總管

屯兵江北禦陳寇數有戰功伐陳之役及高智慧反

攻討皆有殊績遷在國

李充少慷慨有英畧開皇中頻以行軍總管擊突厥

有功遷官至上柱國武陽郡公

楊武通性果烈善騎射數以行軍總管討西南夷每

有戰功進封白水郡公

陳永貴以勇烈知名高祖甚親愛之數以行軍總管

領邊每戰必單騎陷陣遷官至上柱國蘭利二州總管

封北陳郡公

房兆剛毅有武畧頻以行軍總管擊胡有功遷官至

柱國徐州總管

王長述高祖為丞相時受信州總管部內夷獠猶有

未賓長述討平之進位上大將軍又陳取王謙之策  
帝大悅前後賜黃金五百兩授行軍總管率衆討謙  
以功進位柱國開皇初復獻平陳之計帝善其能頻  
加賞勞後數歲以行軍總管擊南寧未至道病卒帝  
甚傷惜之令使者弔祭贈上柱國冀州刺史  
李衍爲義州刺史從韋孝寬鎡玉壁城數與賊戰敵  
人憚之及齊平以軍功進授大將軍改封真鄉郡公  
拜左宮伯賜雜綵三百疋奴婢二十口及王謙作亂  
高祖以衍爲行軍總管從梁睿平之進位上大將軍  
賜縑二千匹開皇元年又以行軍總管討叛蠻平之

進位柱國賜錦帛二千匹大舉伐陳授以行軍總管  
田仁恭仕周爲開府儀同三司中外府掾從宇文護  
征伐數有戰功改封襄武郡公邑五百戶從武帝平  
齊加授上開府進封浙陽郡公增邑二千戶高祖爲  
丞相進位大將軍從韋孝寬破尉遲迥於相州拜柱  
國  
杜整爲左武衛將軍開皇中密進取陳之策高祖善  
之於是以行軍總管鎮襄陽病卒帝聞而傷之贈帛  
四百匹米四百石

薛世雄初從周武帝爲帥都督開皇中數有戰功累

遷儀同三司又爲玉門道行軍大將擊降伊吾進位  
正議大夫賜物千段

李徹爲車騎大將軍周武帝時從皇太子西征吐谷  
渾以功賜爵周昌縣男邑三百戶復從帝破齊師於  
汾北乘勝下高壁拔晉陽擒高措於冀州俱有力焉  
錄前後功加開府別封蔡陽縣公邑千戶至高祖受  
禪爲左武衛將軍總晉王府軍事進爵齊安郡公及  
突厥沙鉢略可汗犯塞與李充率精騎五千出其不  
意掩擊人破之以功加上大將軍

杜彥周仕爲龍州刺史賜爵永安縣伯高祖爲丞相  
從韋孝寬擊尉遲迥於相州每戰有功賜物三千段  
奴婢三十口進位上開府開皇中爲左武衛將軍平  
陳之役以行軍總管與新義公韓擒虎相繼而進及  
平陳賜物五千段粟六千石進位在國高智慧作亂  
復以行軍總管從楊素討平之賜奴婢百餘口拜洪  
州總管

高及爲光州刺史高祖爲丞相時上取陳五策勵大  
舉伐陳以勵爲行軍總管從宣陽公王世積下陳江  
州以功拜上開府賜物三千段  
爾未敵爲驃騎大將軍周武帝東征上表求從許之

攻城陷陣所當皆破進位上開府除南光州刺史入  
為護軍大將軍轉膠州刺史高祖受禪改封邊城郡  
公黔安蠻叛命徵討平之師旅旋拜金州總管  
獨孤楷仕周為車騎將軍其後數從征伐賜爵廣阿  
縣公邑千戶拜右侍下大夫

周本從韋孝寬平淮南以功賜子景雲爵西河縣公  
高祖為丞相進授開府及受禪拜右監門將軍進封  
汝陽郡公

乞伏慧周武帝時為熊渠中大夫高祖為丞相從韋  
孝寬擊尉遲惇於武陟所當皆破授大將軍賜物八

百段及平尉遲迥進位在國賜爵河西郡公邑三千  
戶賚物二千三百段

周威仕周位至在國高祖以威為行軍總管從元帥  
梁睿擊王謙平之進上在國拜瀘州總管

和洪周武帝時為車騎大將軍儀同三司時龍州蠻  
任公忻李國立等聚眾為亂洪擒斬之從帝攻河陰  
洪力戰陷其西門帝壯之賜物千段復從帝平齊進  
位上儀同賜爵北平侯邑八百戶拜左勳曹下大夫  
在國王軌之擒吳明徹也洪有功焉加位開府遷折  
衝中大夫尉遲迥作亂相州以洪為行軍總管從韋

孝寬擊走之又破尉遲惇於武陵及破平相州每戰  
有功拜柱國封廣武郡公邑二千戶前後賜物萬段  
奴婢五十口金銀各百錠牛馬百疋

宇文弼初爲別隊從周武帝平齊以功拜上儀同封  
武威縣公邑千五百戶賜物千五百段奴婢五十口  
牛羊千餘頭拜司州總管司錄宣帝時爲監軍從梁  
士彥攻拔壽陽尋改封安樂縣公增邑六百戶賜物  
六百段加以口馬俄轉南司州刺史遇陳將樊毅戰  
於漳口虜獲三千人除黃州刺史尋轉南定州刺史  
高祖開皇初以前功封平昌縣公加邑一千二百戶

三年突厥寇其州以行軍司馬從元帥竇榮定擊破  
之還除太僕少卿轉吏部侍郎平陳之役弼持節爲  
諸軍節度仍領行軍總管劉仁恩之破陳將呂仲肅  
也弼有謀焉加開府擢拜刑部尙書

張衡爲揚州總管開皇中熙州李英林聚衆反署置  
百官以衡爲行軍總管率步騎五萬人討平之拜開  
府賜奴婢一百三十口物五百段金銀雜畜稱是  
崔仲方爲會州總管時諸羌猶未賓附高祖詔令仲  
方擊之與賊三十餘戰諸部悉平賜奴婢一百三十  
口黃金五十斤雜物稱是



宇仲文爲大將軍高祖初爲丞相尉遲迥之亂仲文討之河南旣平勒石紀功樹於泗上入朝京師高祖引入臥內宴享極歡賜雜絲千餘段妓女十人拜柱國河南道大行臺十口物千五百段及高智慧等作亂李景以行軍總管從王世積伐陳隋陣有功進位上開府賜奴婢六十口物千五百段及高智慧等作亂江南復以行軍總管從楊素擊之還授鄜州刺史遼東之役爲馬軍總管後爲代州總管時漢王諒作亂景發兵擊破之景尋被徵入京進位柱國拜右武衛大將軍賜縑九千匹女樂一部加以珍物景智畧非所長忠直爲時所許帝甚信之擊叛蠻向思多破之賜奴婢六十口又擊吐谷渾於青海破之進位光祿大夫賜奴婢六十口縑二千疋又攻高麗武列城破之賜爵宛丘侯物一千段

冊府元龜

將軍部

二十

